



Službeni glasnik

Općine Donji Vakuf

Broj 1/12

Donji Vakuf, 19.01.2012. god.

Strana 1

OPĆINSKO VIJEĆE

1

Na osnovu člana 21. Zakona o budžetima u Federaciji Bosne i Hercegovine ("Službene novine Federacije BiH", broj: 19/06, 76/08, 5/09, 32/09, 51/09, 9/10, 36/10 i 45/10), člana 24. Statuta Općine Donji Vakuf ("Službeni glasnik Općine Donji Vakuf", broj 1/08) i člana 76. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj 5/08, 2/10 i 4/10), Općinsko vijeće Donji Vakuf, na 28. redovnoj sjednici održanoj 16.01.2012. godine, donosi

ODLUKU

o privremenom finansiranju Općine Donji Vakuf za period od 01.01.2012. - 31.03.2012. godine

Član 1.

Ovom odlukom utvrđuje se privremeno finansiranje Općine Donji Vakuf za period od 01.01.2012. - 31.03.2012. godine, i ostale aktivnosti koje treba poduzeti.

Član 2.

Prihod Općine za privremeno finansiranje u iznosu od 962.500,00 KM, planira se na osnovu tromjesečnog prosjeka za 2011. godinu.

Na bazi planiranih prihoda, rashodi za privremeno finansiranje u iznosu od 962.500,00 KM raspoređuju su po korisnicima, kako su isplaćivani u prva tri mjeseca 2011. godine.

Član 3.

Zadužuje se stručna Služba općinskog vijeća i općinskog načelnika da uz ovu Odluku uputi zahtjev

Uredu za reviziju budžeta u F BiH i zatraži reviziju budžeta za 2009., 2010. i 2011. godinu, s tim da se pozove na zaključak Općinskog vijeća Donji Vakuf i traženje revizije budžeta za 2009. godinu i isti da bude dostavljen u izvornom obliku, kao sastavni dio uz ovu Odluku.

Član 4.

Ukoliko Ured za reviziju budžeta F BiH ne izvrši reviziju ili ne obavijesti Općinsko vijeće o datumu početka revizije do 01.03.2012. godine, Općinsko vijeće Donji Vakuf je dužno raspisati javni poziv i tražiti neovisnu revizorsku kuću da izvrši reviziju za navedene godine.

Član 5.

Nadzor i upute Stručnoj službi općinskog vijeća i općinskog načelnika nad ovim aktivnostima iz člana 3. i 4. ove Odluke, vršit će Predsjedavajući općinskog vijeća, uz obavezu da informiše Općinsko vijeće o sprovedenim aktivnostima.

Član 6.

Ova odluka stupa na snagu danom objavljivanja u "Službenom glasniku Općine Donji Vakuf", a primjenjivat će se od 01.01.2012. godine.

Broj:16.01.2012.godine

Donji Vakuf:01-14-00091/12

Predsjedavajući općinskog vijeća
Hodžić Muhamed s.r

2

Na osnovu člana 43. Poslovnika o radu Općinskog vijeća Donji Vakuf ("Službeni glasnik Općine Donji Vakuf" broj 5/08, 2/10 i 4/10), Općinsko vijeće Donji Vakuf, na 28. redovnoj sjednici održanoj 16.01.2012. godine, donosi

**PROGRAM RADA
OPĆINSKOG VIJEĆA DONJI VAKUF
ZA 2012. GODINU**

I

Program rada Općinskog vijeća Donji Vakuf za 2012. godinu (u daljem tekstu: Program) sadrži poslove i zadatke Općinskog vijeća koji proizilaze iz njegove nadležnosti utvrđene ustavom, zakonom i Statutom Općine, koji se ostvaruju kroz pripremu i rad redovnih sjednica Vijeća, a ukoliko se ukaže potreba Vijeće može održati tematsku ili vanrednu sjednicu.

Uspješnost realizacije zadataka utvrđenih u Programu zahtijeva odgovornost i ažurnost predlagača u poštivanju utvrđenih rokova.

Zadaci u Programu se sistematizuju prema rokovima predviđenim za njihovo izvršavanje, kako slijedi:

PERIOD JANUAR – MART 2012. GODINE

Normativno – programski dio aktivnosti Vijeća

1. Program rada Općinskog vijeća Donji Vakuf za 2012. godinu
Predlagač: Kolegij vijeća
2. Program rada Općinskog načelnika za 2012. godinu
Predlagač: Općinski načelnik
3. Odluka o izmjenama i dopunama Statuta Općine Donji Vakuf
Predlagač: Komisija za Statut i propise
4. Odluka o dodjeli stanova na koje nije podnešen zahtjev za povrat
Predlagač: Općinski načelnik
5. Odluka o prosječnoj konačnoj građevinskoj cijeni korisne stambene površine na području Općine Donji

Vakuf u 2010. godini

Predlagač: Općinski načelnik

6. Odluka o utvrđivanju prinudnog upravitelja zgrada
Predlagač: Općinski načelnik

7. Program izgradnje komunalnih i drugih infrastrukturnih objekata na području Općine Donji Vakuf za 2012. godinu
Predlagač: Općinski načelnik

8. Plan korištenja javnih površina
Predlagač: Općinski načelnik

9. Djelimična izmjena cjenovnika JKUP "Čistoća" d.o.o. Donji Vakuf
Predlagač: JKUP "Čistoća" d.o.o. Donji Vakuf

Donošenje odluka i drugih akata iz nadležnosti Općinskog vijeća na prijedlog Općinskog načelnika (iz tekuće djelatnosti Općinskih službi za upravu), kao i na osnovu prijedloga drugih ovlaštenih predlagača, u skladu sa odredbama Poslovnika o radu Općinskog vijeća Donji Vakuf.

*Tematsko- izvještajni
dio aktivnosti Vijeća*

1. Analiza realizacije Programa rada Općinskog vijeća Donji Vakuf za 2011. godinu
Izvijestilac: Predsjedavajući općinskog vijeća
2. Izvještaj o radu Općinskog načelnika i Općinskih službi za upravu u 2011. godini sa Izvještajem o stanju rješavanja predmeta upravnog postupka
Podnosilac: Općinski načelnik i rukovodioci službi
3. Izvještaj o izvršenju Budžeta Općine Donji Vakuf za 2011. godinu
Podnosilac: Općinski načelnik i rukovodilac nadležne službe
4. Informacija o povratku izbjeglih i raseljenih osoba i obnovi na području Općine Donji Vakuf u periodu 01.01. do 31.12.2011. godine
Podnosilac: Općinski načelnik i rukovodilac nadležne službe
5. Izvještaj o radu Općinskog javnog pravobranilaštva Bugojno u 2011. godini
Podnosilac: Općinski javni pravobranilac

6. Informacija o radu Biroa – ispostave za zapošljavanje Donji Vakuf u 2011. godini
Podnosilac: Šef Biroa za zapošljavanje

7. Informacija o stanju korištenja javnih površina i poslovnih prostorija u vlasništvu Općine Donji Vakuf
Podnosilac: Općinski načelnik i rukovodilac nadležne službe

8. Izvještaj o radu Komisija i radnih tijela koje formira Općinsko vijeće
Podnosilac: Predsjednici Komisija i radnih tijela

9. Izvještaj o stanju u oblasti građenja na području Općine Donji Vakuf, sa osvrtom na vrstu i broj sagrađenih objekata i konkretnim prijedlogom mjera koje treba poduzeti po bespravnoj gradnji
Podnosilac: Općinski načelnik i rukovodilac nadležne službe

10. Izvještaj o realizaciji Programa izgradnje komunalnih i drugih objekata infrastrukture na području Općine Donji Vakuf za 2011. godinu
Podnosilac: Općinski načelnik i rukovodilac nadležne službe

11. Izvještaj o radu Javnih ustanova u 2011. godini, uključujući finansijski izvještaj (planirano – ostvareno), te definisanje eventualnih problema u radu i prijedloga mjera za njihovo uklanjanje:
- Dom kulture Donji Vakuf
- Dječiji vrtić Donji Vakuf
- Dom zdravlja Donji Vakuf
- Apoteka Donji Vakuf
- Centar za socijalni rad Donji Vakuf
Podnosilac: Upravni odbor javne ustanove

12. Izvještaj o radu Javnih preduzeća u 2011. godini, uključujući finansijski izvještaj (planirano – ostvareno), te definisanje eventualnih problema u radu i prijedloga mjera za njihovo uklanjanje:
- Veterinarska stanica d.o.o. Donji Vakuf
- Gradina d.o.o. Donji Vakuf
- Čistoća d.o.o. Donji Vakuf
- Radio televizija d.o.o. Donji Vakuf
Podnosilac: Nadzorni odbor javnog preduzeća

13. Izvještaj o radu Vatrogasnog društva Donji Vakuf u 2011. godini, sa izvještajem o radu Fonda za

vatrogastvo, uključujući finansijski izvještaj (planirano – ostvareno), te definisanje eventualnih problema u radu i prijedloga mjera za njihovo uklanjanje

Podnosilac: Upravni odbor Vatrogasnog društva Donji Vakuf

14. Informacija o kontroli ispravnosti vode za piće i održavanju mjesnih vodovoda
Podnosilac: Predsjednici mjesnih zajednica

PERIOD APRIL – JUNI 2012. GODINE

Normativno – programski dio aktivnosti Vijeća

1. Odluka o organizaciji općinske uprave
Predlagač: Općinski načelnik

2. Odluka o načinu korištenja i uređenja zajedničkih prostora uz stambeno – poslovne zgrade
Predlagač: Općinski načelnik

3. Odluka o proglašenju javnih dobara (vodovodi, kanalizacija i dr.)
Predlagač: Općinski načelnik

4. Odluka o statusu gradske deponije
Predlagač: Općinski načelnik

5. Odluka o podsticajima koje obezbjeđuje Općina za ulaganje u stare zanate
Predlagač: Općinski načelnik

6. Nacrt Prostornog plana Općine Donji Vakuf za period 2008. – 2018. godina
Predlagač: Općinski načelnik

7. Operativni budžetski kalendar za izradu i donošenje budžeta za 2013. godinu
Predlagač: Općinski načelnik

Donošenje odluka i drugih akata iz nadležnosti Općinskog vijeća na prijedlog Općinskog načelnika (iz tekuće djelatnosti Općinskih službi za upravu), kao i na osnovu prijedloga drugih ovlaštenih predlagača, u skladu sa odredbama Poslovnika o radu Općinskog vijeća Donji Vakuf.

Tematsko- izvještajni dio aktivnosti Vijeća

1. Informacija o realizaciji Programa rada Općinskog vijeća u periodu januar – mart 2012. godine

Podnosilac: Predsjedavajući vijeća

2. Informacija o provođenju zaključaka Općinskog vijeća donesenih u periodu januar – mart 2012. godine

Podnosilac: Predsjedavajući vijeća

3. Izvještaj o utrošku sredstava Budžeta Općine Donji Vakuf za period od 01.01. do 31.03.2012. godine

Izvjestilac: Općinski načelnik i rukovodilac nadležne službe

4. Informacija o svim izdatim koncesijama i o prihodima od koncesija i stanju u eksploataciji rudnika Elezovac

Podnosilac: Općinski načelnik i rukovodilac nadležne službe

5. Informacija o stanju u oblasti poljoprivrede na području Općine Donji Vakuf

Podnosilac : Općinski načelnik i rukovodilac nadležne službe

6. Informacija o sprovođenju sigurnosnih mjera na saobraćajnicama, s osvrtnom na održavanje ulica u zimskom periodu i sigurnosne mjere i zaštitu učenika na saobraćajnicama koje vode do školskih objekata, posebno u ulici "Žrtava genocida u Srebrenici", s ciljem iniciranja stvaranja sigurnosne zone; izgradnje pješačke staze u Torlakovcu

Podnosilac: Općinski načelnik i rukovodilac nadležne službe

7. Informacija o stanju maloljetničke delikvencije na području Općine Donji Vakuf, sa prijedlogom mjera za suzbijanje iste

Podnosilac: J.U. Centar za socijalni rad Donji Vakuf

8. Informacija o narkomaniji i drugim ovisnostima na području Općine Donji Vakuf, sa prijedlogom mjera za suzbijanje iste

Podnosilac: J.U. Centar za socijalni rad Donji Vakuf

9. Informacija o stanju putne infrastrukture (izgrađenost, održavanje, bezbjednosni aspekt, sudbina inicijative za regionalni put Donji Vakuf – Čehajići - Bugojno)

Podnosilac: Općinski načelnik i rukovodilac

nadležne službe

10. Informacija o stanju vodotoka na području Općine Donji Vakuf (čišćenje, divlja gradnja, nasip uz rijeku Vrbas - posebno kod motela "Otoka")

Podnosilac: Općinski načelnik i rukovodilac nadležne službe

PERIOD JULI – SEPTEMBAR 2012. GODINE*Normativno – programski dio aktivnosti Vijeća*

1. Revizija Strategije razvoja Općine Donji Vakuf

Predlagач: Općinski načelnik

2. Program obilježavanja Dana Općine Donji Vakuf

Predlagач: Komisija za izbor i priznanja

3. Odluka o dodjeli priznanja

Predlagач: Komisija za izbor i priznanja

Donošenje odluka i drugih akata iz nadležnosti Općinskog vijeća na prijedlog Općinskog načelnika (iz tekuće djelatnosti Općinskih službi za upravu), kao i na osnovu prijedloga drugih ovlaštenih predlagачa, u skladu sa odredbama Poslovnika o radu Općinskog vijeća Donji Vakuf.

Tematsko- izvještajni dio aktivnosti Vijeća

1. Informacija o realizaciji Programa rada Općinskog vijeća Donji Vakuf za period 01.01. – 30.06.2012. godine

Izvjestilac: Predsjedavajući općinskog vijeća

2. Informacija o provođenju zaključaka Općinskog vijeća donesenih u periodu april – juni 2012. godine

Podnosilac: Predsjedavajući vijeća

3. Izvještaj o utrošku sredstava Budžeta Općine Donji Vakuf za period od 01.01. do 30.06.2012. godine

Podnosilac: Općinski načelnik i rukovodilac nadležne službe

4. Informacija o stanju korisnika socijalne zaštite, sa osvrtnom na stare, bolesne i invalidne osobe

Podnosilac: J.U. Centar za socijalni rad Donji Vakuf

5. Informacija o položaju nevladinih organizacija na području Općine Donji Vakuf

Podnosilac: Općinski načelnik i rukovodilac

nadležne službe

6. Informacija o stanju bezbjednosti, javnog reda i mira na području Općine Donji Vakuf u 2011. godini
Podnosilac: Policijska stanica Donji Vakuf

7. Informacija o stanju u oblasti privrede i obrta na području Općine Donji Vakuf
Podnosilac: Općinski načelnik i rukovodilac nadležne službe

8. Informacija o ostvarivanju prava boraca, ratnih vojnih invalida, porodica šehida i poginulih boraca i aktivnosti na poboljšanju njihovog položaja
Podnosilac: Općinski načelnik i rukovodilac nadležne službe

9. Informacija o stepenu razvoja turizma na području Općine Donji Vakuf sa prijedlogom mjera za brži razvoj
Podnosilac: Općinski načelnik i rukovodilac nadležne službe

PERIOD OKTOBAR – DECEMBAR 2012. GODINE

Normativno – programski dio aktivnosti Vijeća

1. Nacrt Budžeta Općine Donji Vakuf za 2013. godinu
Predlagač: Općinski načelnik

2. Budžet Općine Donji Vakuf za 2013. godinu
Predlagač: Općinski načelnik

3. Odluka o izvršavanju Budžeta Općine Donji Vakuf za 2013. godinu
Predlagač: Općinski načelnik

4. Priprema i donošenje Programa rada Općinskog vijeća Donji Vakuf za 2013. godinu
Predlagač: Kolegij vijeća

5. Program rada Općinskog načelnika za 2013. godinu
Predlagač: Općinski načelnik

6. Program uređenja građevinskog zemljišta za 2013. godinu
Predlagač: Općinski načelnik

7. Program izgradnje komunalnih i drugih

infrastrukturnih objekata na području Općine Donji Vakuf za 2013. godinu

Predlagač: Općinski načelnik

8. Plan kapitalnih ulaganja za naredne tri godine
Predlagač: Općinski načelnik

Donošenje odluka i drugih akata iz nadležnosti Općinskog vijeća na prijedlog Općinskog načelnika (iz tekuće djelatnosti Općinskih službi za upravu), kao i na osnovu prijedloga drugih ovlaštenih predlagača, u skladu sa odredbama Poslovnika o radu Općinskog vijeća Donji Vakuf.

Tematsko - izvještajni dio aktivnosti Vijeća

1. Informacija o realizaciji Programa rada Općinskog vijeća u periodu juli – septembar 2012. godine
Podnosilac: Predsjedavajući vijeća

2. Informacija o provođenju zaključaka Općinskog vijeća donesenih u periodu juli – septembar 2012. godine
Podnosilac: Predsjedavajući vijeća

3. Izvještaj o realizaciji Programa izgradnje komunalnih i drugih objekata infrastrukture na području Općine Donji Vakuf za 2012. godinu
Podnosilac: Općinski načelnik i rukovodilac nadležne službe

4. Izvještaj o utrošku sredstava Budžeta Općine Donji Vakuf za period od 01.01. do 30.09.2012. godine
Podnosilac: Općinski načelnik i rukovodilac nadležne službe

5. Informacija o radu i funkcionisanju mjesnih zajednica Općine Donji Vakuf
Podnosilac: Općinski načelnik i rukovodilac nadležne službe

6. Informacija o stanju u Mješovitoj srednjoj školi Donji Vakuf
Podnosilac: J. U. Mješovita srednja škola Donji Vakuf

7. Informacija o stanju u osnovnim školama (sve četiri) na području Općine Donji Vakuf
Podnosilac: Prva, Druga, Treća i Četvrta osnovna škola

8. Informacija o stanju sporta na području Općine

Donji Vakuf, sa informacijom o stanju sportskih objekata

Podnosilac: Općinski načelnik i rukovodilac nadležne službe

II

Nadležno radno tijelo odnosno Općinski načelnik će, poštujući rok od 30 dana, obraditi sve inicijative koje im budu dostavljene, a Vijeće će na sjednici donijeti zaključak kojim se inicijativa odbija ili prihvata.

III

Sve tačke stavljene u Program rada bit će uvrštene na dnevni red sjednice prema planiranim rokovima. Predlagač je obavezan blagovremeno pripremiti materijale i iste po potrebi dodatno obrazložiti i pojasniti.

U slučaju da materijal nije blagovremeno pripremljen predlagač je obavezan Općinskom vijeću dati obrazloženje o razlozima za nepripremanje.

IV

Tačke dnevnog reda, čiji predlagač nije prisutan na sjednici Općinskog vijeća, neće se razmatrati.

V

U cilju sticanja dodatnih znanja i vještina bit će organizovana edukacija vijećnika u oblastima:

- Nevladin sektor (period januar – mart)
- Pozicija javnih preduzeća i javnih ustanova (period april – juni).

Edukaciju će izvoditi: nadležne općinske službe, OSCE i nevladin sektor.

VI

Ovaj Program će biti objavljen u "Službenom glasniku Općine Donji Vakuf".

Broj:16.01.2012.godine
Donji Vakuf: 01-05-00092/12

Predsjedavajući općinskog vijeća
Hodžić Muhamed s.r

3

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj 1/08) i člana 76. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf, na 28. redovnoj sjednici održanoj 16.01.2012. godine, donosi

O D L U K U

o izmjeni i dopuni Odluke o komunalnim naknadama

Član 1.

U Odluci o komunalnoj naknadi Općine Donji Vakuf ("Službeni glasnik Općine Donji Vakuf", broj 4/09) i Odluci o izmjeni i dopuni Odluke o komunalnoj naknadi Općine Donji Vakuf ("Službeni glasnik Općine Donji Vakuf, broj 2/10):

Član 9. se mijenja i glasi:

"Koeficijenti zona iznose:

I zona	1
II zona	0,70
III zona	0,50
IV, V, VI zona	0,30."

Član 2.

Član 10. mijenja se i glasi:

" Koeficijenti namjene iznose za:

1. Stambeni i garažni prostor 1 (jedan)
2. Površine objekata federalnih, kantonalnih i općinskih organa, javnih ustanova, vojni objekti, prostori organizacija čija je djelatnost neprofitna 1 (jedan)
 - površine objekata vjerskih organizacija 0,5 (nula koma pet)
 - zemljište obveznika iz ove tačke (brisati)
3. Poslovni prostor proizvodnih djelatnosti 0,5 (nula koma pet)
 - zemljište proizvodnih djelatnosti 0,25 (nula koma dvadesetpet)
4. Zemljište koje služi u svrhu obavljanja

poslovne djelatnosti, osim proizvodnih djelatnosti pod tačkom 3. (otvorena skladišta i plinska stovarišta) 1,5 (jedan koma pet)

5. Prostori za obavljanje djelatnosti koje ugrožavaju ili mogu ugroziti sredinu, utvrđene Pravilnikom o posebnom režimu kontrole djelatnosti koje ugrožavaju ili mogu ugroziti sredinu 15 (petnaest)

6. Poslovni prostori neproizvodnih djelatnosti 3 (tri)
- zemljište neproizvodnih djelatnosti 1,5 (jedan koma pet)

7. Kladionice, banke, osiguravajuće kuće, noćni barovi, disko klubovi i sl. ... 10 (deset)
- zemljište iz ove tačke 4 (četiri)

8. Instalacije PTT, elektro instalacije i dr. (dalekovodi, nadzemne i podzemne instalacije, kablovske mreže) po metru dužnom, bez obzira na zonu 1 (jedan)."

Član 3.

Ova Odluka stupa na snagu danom objavljanja u "Službenom glasniku Općine Donji Vakuf", a primjenjivat će se od 01.01.2012. godine.

Broj:16.01.2012.godine
Donji Vakuf: 01-14-00100/12

Predsjedavajući općinskog vijeća
Hodžić Muhamed s.r

4

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf na 28. redovnoj sjednici održanoj 16.01.2012. godine, donosi

ZAKLJUČAK

po Budžetu Općine Donji Vakuf za 2012. godinu

I

Budžet Općine Donji Vakuf za 2012. godinu

vraća se na doradu predlažaču, uz primjedbe i preporuke date u toku diskusije.

II

Ovaj Zaključak će biti objavljen u "Službenom glasniku Općine Donji Vakuf".

Broj:16.01.2012.godine
Donji Vakuf: 01-14-00125/12

Predsjedavajući općinskog vijeća
Hodžić Muhamed s.r

5

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf na 28. redovnoj sjednici održanoj 16.01.2012. godine, donosi

ZAKLJUČAK

o prihvatanju Inicijative za usaglašavanje Sporazuma između Općinskog vijeća, Općinskog načelnika i nevladinih – neprofitnih organizacija Općine Donji Vakuf

I

Prihvata se Inicijativa vijećnika Mehdić Dževada za usaglašavanje Sporazuma između Općinskog vijeća, Općinskog načelnika i nevladinih – neprofitnih organizacija Općine Donji Vakuf.

II

Sve strane potpisnice Sporazuma će se obavijestiti o ovoj Inicijativi i pozvati da dostave svoje prijedloge za usaglašavanje Sporazuma, a po potrebi će se upriličiti i jedan zajednički sastanak sa svim članicama na koje se odnosi Sporazum.

Za realizaciju ove aktivnosti zadužuje se Predsjedavajući općinskog vijeća i Stručna služba općinskog vijeća i općinskog načelnika.

III

Ovaj Zaključak će biti objavljen u

"Službenom glasniku Općine Donji Vakuf".

Broj:16.01.2012.godine
Donji Vakuf: 01-05-00102/12

Predsjedavajući općinskog vijeća
Hodžić Muhamed s.r

6

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf na 28. redovnoj sjednici održanoj 16.01.2012. godine, donosi

ZAKLJUČAK

o prihvatanju Informacije o izradi Prostornog plana i digitalizaciji katastra Općine Donji Vakuf

I

Prihvata se INFORMACIJA O IZRADI PROSTORNOG PLANA I DIGITALIZACIJI KATASTRA OPĆINE DONJI VAKUF, uz stav da se, uz formiranje Savjeta za prostorni plan, nastave sve aktivnosti na izradi Prostornog plana Općine.

II

Ovaj Zaključak će biti objavljen u "Službenom glasniku Općine Donji Vakuf".

Broj:16.01.2012.godine
Donji Vakuf: 01-23-00103/12

Predsjedavajući općinskog vijeća
Hodžić Muhamed s.r

7

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj 1/08) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf na 28. redovnoj sjednici održanoj 16.01.2012. godine, donosi

ZAKLJUČAK

po Zahtjevu J.U. Dječiji vrtić Donji Vakuf za povećanje budžetske stavke

I

Trenutno nema mogućnosti da, u okviru budžetskih sredstava, grant za Javnu ustanovu Dječiji vrtić Donji Vakuf bude povećan. Ukoliko nadležno Kantonalno ministarstvo obezbijedi nedostajuća sredstva svaki nalog Inspektora bit će dosljedno ispoštovan.

II

Ovaj Zaključak će biti objavljen u "Službenom glasniku Općine Donji Vakuf".

Broj:16.01.2012.godine
Donji Vakuf: 01-05-00090/12

Predsjedavajući općinskog vijeća
Hodžić Muhamed s.r

OPĆINSKI NAČELNIK

8

Na osnovu člana 50. Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05 i 8/06), člana 33. Zakona o namještenicima u organima državne službe u Federaciji BiH („Službene novine Federacije BiH“, broj 49/05) i člana 38. Statuta Općine Donji Vakuf ("Službeni glasnik Općine Donji Vakuf", broj, 1/08), Načelnik Općine Donji Vakuf donosi

PRAVILNIK

o stručnom obrazovanju i profesionalnom usavršavanju državnih službenika i namještenika organa državne službe Općine Donji Vakuf

1. Opće odredbe

Član 1.

Ovim pravilnikom uređuju se oblici i način

stručnog obrazovanja i profesionalnog usavršavanja državnih službenika i namještenika i stručnog osposobljavanja pripravnika u organu državne službe Općine Donji Vakuf (u daljem tekstu Općina Donji Vakuf).

Član 2.

Stručnim obrazovanjem i profesionalnim usavršavanjem smatra se organizirano i stalno sticanje i usavršavanje stručnih znanja zaposlenih.

Član 3.

U Općini Donji Vakuf svi zaposleni imaju pravo i obavezu da se stručno obrazuju i profesionalno usavršavaju u skladu sa potrebama Općine, a u cilju stručnog i efikasnog izvršavanja poslova koji su im povjereni.

Član 4.

Ukoliko se izvrši promjena unutrašnje organizacije, bitnija promjena propisa, uvede se novi način rada, ili korištenje novih sredstava rada, Općina Donji Vakuf je dužna omogućiti zaposlenim odgovarajuće stručno obrazovanje, osposobljavanje i usavršavanje.

Član 5.

Sredstva za stručno obrazovanje i profesionalno usavršavanje osiguravaju se u Budžetu Općine Donji Vakuf.

II. Oblici i način stručnog obrazovanja i profesionalnog usavršavanja uposlenih

Član 6.

Oblici i načini stručnog obrazovanja i profesionalnog usavršavanja uposlenih u Općini Donji Vakuf, utvrđuju se ovisno od vrste i sadržaja stečenih znanja u okviru stepena školske sprema koju zaposleni posjeduje, poslova i zadataka koje obavlja, kao i od posebnih potreba i interesa službi za upravu Općine Donji Vakuf.

Član 7.

Oblici stručnog obrazovanja i profesionalnog

usavršavanja uposlenih u Općini Donji Vakuf su:

- a) Individualno praćenje i proučavanje propisa, stručnih publikacija i drugih materijala iz djelokruga rada i nadležnosti jedinica lokalne samouprave i državnih organa, kao i primjena novih metoda i savremenih sredstava rada
- b) Kursevi, obuke i radionice
- c) Seminari, stručna savjetovanja, studijska putovanja
- d) Stručni sastanci, konsultacije i tematske rasprave o pojedinim stručnim pitanjima
- e) Drugi oblici stručnog obrazovanja i profesionalnog usavršavanja, u skladu sa potrebama Općine Donji Vakuf.

Član 8.

Stručno obrazovanje i profesionalno usavršavanje za uposlene može biti organizirano od strane ovlaštene organizacije u zemlji i inozemstvu.

Pojedine oblike stručnog obrazovanja i profesionalnog usavršavanja, može neposredno organizovati Općina Donji Vakuf osiguravanjem kvalifikovanih predavača i drugih potrebnih uvjeta za uspješno odvijanje obuke.

Član 9.

Općina Donji Vakuf prema iskazanim potrebama vrši nabavku stručne literature, periodičnih stručnih publikacija, vrši pretplatu na službena glasila, stručne časopise i sl.

Nabavku stručne literature, stručnih časopisa i drugih publikacija odobrava Općinski načelnik, na prijedlog rukovodećih državnih službenika.

Šef pisarnice uspostavlja evidenciju stručne literature, časopisa i publikacija koja sadržava osnovne podatke o izdanju i o zaposlenom kod koga se nalazi na upotrebi.

Rukovodeći državni službenici vrše pregled službenih glasila i obavještavaju službenike i namještenike o izmjenama i dopunama zakonskih i podzakonskih akata koje su dužni primjenjivati na svom radnom mjestu.

III. Plan stručnog obrazovanja i profesionalnog usavršavanja zaposlenih

Član 10.

Sekretar vijeća priprema plan stručnog obrazovanja i profesionalnog usavršavanja

zaposlenih u Općini Donji Vakuf, na osnovu prijedloga rukovodećih državnih službenika, a u skladu sa potrebama za obukom službi za upravu.

Plan iz stava 1. ovog člana donosi Općinski načelnik najkasnije do kraja januara mjeseca za tekuću godinu.

Sekretar vijeća prati realizaciju stručnog obrazovanja i profesionalnog usavršavanja uposlenih.

Član 11.

Plan stručnog obrazovanja i profesionalnog usavršavanja zaposlenih sadrži:

- Oblik, način i vrijeme stručnog obrazovanja i profesionalnog usvršavanja
- Sadržaj obuke
- Podatak o organozatoru obuke
- Naziv radnog mjesta službenika/namještenika koji će sudjelovati u obuci
- Finansijska sredstva potrebna za obuku.

IV. Procedure i evidencije

Član 12.

O upućivanju zaposlenika na jedan od oblika stručnog obrazovanja ili profesionalnog usavršavanja odlučuje Općinski načelnik na prijedlog sekretara vijeća i pomoćnika načelnika.

Prilikom donošenja odluke iz prethodnog stava ovog člana vodit će se računa o Planu stručnog obrazovanja i profesionalnog usavršavanja, te o potrebama Službe.

Državni službenik i namještenik može samoinicijativno podnijeti pisani zahtjev Općinskom načelniku za učešće u konkretnom obliku stručnog obrazovanja i usavršavanja.

Uz zahtjev iz stava 3. ovog člana državni službenik i namještenik dužan je navesti tačno vrijeme održavanja skupa ili obuke, vrijednost skupa ili obuke izraženu novčanim i stručnim pokazateljima, rok trajanja i druge podatke od značaja za pravilnu procjenu o potrebi učešća na seminaru odnosno obuci.

Općinski načelnik na postavljeni zahtjev iz odredbe stava 3. ovog člana daje ili uskraćuje pisanu saglasnost.

Član 13.

Uposlenik koji je po odobrenju Općinskog načelnika upućen na stručno obrazovanje ili

profesionalno usavršavanje, ima pravo na odsustvo s rada uz naknadu i pravo na dnevnicu, putne i druge troškove, u skladu sa posebnim propisima.

Član 14.

Uposlenici koji su se stručno obrazovali ili profesionalno usvršavali dužni su općinskom načelniku, odnosno rukovodećem državnom službeniku podnijeti izvještaj o obavljenom stručnom obrazovanju i profesionalnom usavršavanju, kao i upoznati druge uposlene koji obavljaju iste ili slične poslove sa novim saznanjima stečenim za vrijeme usavršavanja.

Uposleni iz prethodnog stava ovog člana dužni su Sekretaru vijeća dostaviti ovjerenu kopiju diplome, certifikata ili drugog dokumenta koji im je uručen nakon uspješno pohađanog stručnog obrazovanja, a koji se ulaže u personalni dosje uposlenika.

Član 15.

Sekretar vijeća vodi evidenciju o stručnom obrazovanju i profesionalnom usavršavanju uposlenih.

Evidencija iz stava 1. ovog člana sadrži:

- ime i prezime uposlenika
- radno mjesto
- vrsta obuke (seminar, kurs, radionica i sl.)
- sadržaj/tema
- vrijeme i mjesto održavanja
- naziv organizatora obuke
- naziv i broj diplome, certifikata ili drugog dokumenta koji uposlenik prilaže
- kratak sadržaj usvojenih vještina.

Član 16.

Evidencija iz prethodnog člana sačinjava se na osnovu izvještaja o prisustvu nekom od oblika stručnog obrazovanja i usavršavanja, koji je uposlenik dužan dostaviti Sekretaru vijeća najkasnije 3 dana po okončanju obuke.

Izvještaj se podnosi na obrascu koji je sastavni dio ovog Pravilnika.

V. Stručno osposobljavanje pripravnika

Član 17.

Stručno osposobljavanje pripravnika u

organu državne službe Općine Donji Vakuf vrši se na osnovu Programa stručnog osposobljavanja pripravnika u Službama za upravu organa državne službe Općine Donji Vakuf.

VI. Završna odredba

Član 18.

Ovaj Pravilnik stupa na snagu narednog dana od dana objavljivanja u „Službenom glasniku Općine Donji Vakuf“.

Broj:16.01.2012.godine
Donji Vakuf: 02-34-02162/11

Općinski načelnik
Huso Sušić s.r

Obrazac izvještaja o pohadžanju obuke

Ime i prezime uposlenika	
Naziv radnog mjesta	
Vrsta obuke (seminar, kurs, radionica i sl.)	
Sadržaj/tema	
Mjesto i datum održavanja obuke	
Naziv organizatora obuke	
Naziv i broj certifikata ili drugog dokumenta koji uposlenik prilaže	
Usvojena znanja i vještine	
Potpis sudionika obuke	

SKUPŠTINA JKP „GRADINA“ D.O.O. DONJI VAKUF

9

Na osnovu člana 12, stav (3), tačka b) i člana 19. stavovi (1), (2) i (3) Statuta JKP „Gradina“ d.o.o., te na osnovu Informacije sa listom kandidata za članove Nadzornog odbora JKP „Gradina“ d.o.o. Donji Vakuf broj 01-06-2446/11-2 Komisije za izbor članova nadzornog odbora JKP „Gradina“ d.o.o. Donji Vakuf

Skupština Javnog komunalnog preduzeća donosi slijedeću:

ODLUKU

o izboru i imenovanju predsjednika i članova
Nadzornog odbora JKP „Gradina“ d.o.o.
Donji Vakuf

Član 1.

Skupština JKP „Gradina“ d.o.o. Donji Vakuf, po dostavljenom prijedlogu rang liste kandidata za članove Nadzornog odbora, smatrajući da nema opravdanih razloga da vjeruje da Zakonska načela i procedure nisu ispoštovane ili da bi imenovanje bilo kojeg od kandidata sa predložene rang liste dovelo do sukoba interesa, donosi odluku o izboru i imenovanju predsjednika i članova Nadzornog odbora JKP „Gradina“ d.o.o. Donji Vakuf.

Član 2.

Uvažavajući napuštanje kandidature drugorangiranog kandidata Balihodžić Izeta dostavljenom u pismenoj formi predsjedniku Skupštine dana 14.12.2011. godine kao akt slobodne volje, Skupština JKP „Gradina“ d.o.o. imenuje prvorangiranog, trećerangiranog i četvrtorangiranog kandidata u članstvo Nadzornog odbora JKP „Gradina“ d.o.o. Donji Vakuf.

U skladu sa gore navedenim Skupština donosi odluku o izboru i imenovanju predsjednika i članova Nadzornog odbora JKP „Gradina“ d.o.o. Donji Vakuf u slijedećem sastavu:

1. Hadžić Dževad – predsjednik
2. Turbo Sanel – član
3. Gekić Rijad – član

Član 3.

Na ovu odluku može se izjaviti prigovor Skupštini preduzeća u roku od 15 dana od dana prijema iste.

Odluka postaje pravosnažna danom objavljivanja u Službenom glasniku Općine Donji Vakuf, odnosno u Službenim novinama FBiH do kada traje tehnički mandat aktuelnog Nadzornog odbora, a što će biti učinjeno donošenjem posebnog Zaključka Skupštine preduzeća, nakon pribavljanja

pismenih uvjerenja radi ispunjavanja uslova pod tačkama e) i g) Javnog konkursa za izbor i imenovanje članova Nadzornog odbora JKP „Gradina“ d.o.o. za osobe iz drugog stava člana 2. ove Odluke. Pribavljanje ovih uvjerenja izvršiti će stručna služba preduzeća službenim putem.

Datum: 16.12.2011. godine
Broj: 01-06-2504/11

Predsjednik Skupštine JKP „Gradina“ d.o.o.
Terzić Samir s.r.

SADRŽAJ

Red broj:		str.
OPĆINSKO VIJEĆE		
1.	Odluka o privremenom finansiranju Općine Donji Vakuf za period 01.01.2012. – 31.03.2012. godine	1
2.	Program rada Općinskog vijeća Donji Vakuf za 2012. godinu	2
3.	Odluka o izmjeni i dopuni Odluke o komunalnim naknadama	6
4.	Zaključak po Budžetu Općine Donji Vakuf za 2012. godinu	7
5.	Zaključak o prihvatanju Inicijative za usaglašavanje Sporazuma između Općinskog vijeća, Općinskog načelnika i nevladinih – neprofitnih organizacija Općine Donji Vakuf	7
6.	Zaključak o prihvatanju Informacije o izradi prostornog plana Općine i digitalizaciji katastra Općine Donji Vakuf	8
7.	Zaključak po Zahtjevu J.U. Dječiji vrtić Donji Vakuf za povećanje budžetske stavke	8
OPĆINSKI NAČELNIK		
8.	Pravilnik o stručnom obrazovanju i profesionalnom usavršavanju državnih službenika i namještenika organa državne službe Općine Donji Vakuf	8
SKUPŠTINA JKP "GRADINA" D.O.O. DONJI VAKUF		
9.	Odluka o izboru i imenovanju predsjednika i članova Nadzornog odbora JKP „Gradina“ d.o.o. Donji Vakuf,	9